

# Öцклдүр харгъсн көвүн

Öцклдүр харгъсн көвүн  
Öөрм суусн болдмб,  
Зүүднәсн чочад серхнь  
Зүркм хатхлсн болдмб.

Терзин ца ишкрсн  
Теегин альвн салькн —  
Шин таньлдсн көвүнә  
Шимлдсн дунь болдмб.

— Болшго юмн,—гигъад,  
Бийәсн ухагъан көөгъад,  
Барун талан эргад,  
Бүркәд унтхар седхнь,

Сүүрм хатурсн болна,  
Сөөгъин нөөрм хатна.  
Джигтә юмб, көвүн,  
Джирлзәд үзгдсн болна.  
Түрүн төрсн дурм  
Теркә зүрким авлв,  
Үзгдх дутман үүрм  
Улм энъкр болв.  
Дурн, байр, көдлмшт,  
Джил чирмтл чилв.  
Джирлзәд үзгдсн болдгтә  
Джиргълин иньг болв.

БАЙДЫ I Санджара